



Ráva olbmui, guhte lea COVID-19 njoammunvára vuollái šaddama dihte mearriduvvon karantenii

Koronavirus (COVID-19) lea meroštallojuvvon oppalaččat váralaš njoammudávdan. Njoammudávdalága (1227/2016) mielde gieldda dahje buohccedikšunbire virgesoahpamušvuđot doavttir, geas lea ovddasvástádus njoammudávdain, sáhtá mearridit karantenii oppalaččat váralaš dahje oppalaččat várálažžan čielga ákkaid vuodul navdojuvvon njoammudávdii buohccán dahje čielga ákkaid vuodul buohccin navdojuvvon olbmo. Ruovttukarantena mearkkaša dan, ahte olmmoš lea ruovttus ja dainna lágiin vigget eastit ođđa njoammumiid.

Karantenii mearriduvvon njoammunvára vuollái šaddan olmmoš galgá

- bissut ruovttus
- garvit sosiála kontávttaid (oažžu leat bearašlahtuiguin, geat leat seamma visttis)
- bissut siste. Goittotge iežas šiljus oažžu lihkadit, juos šiljus eai lihkat eará olbmot (omd. bearašviessu). Bákkolaš diliin sáhtá lihkadit olgun (omd. beatnaga dihte), muhto eará olbmui galgá bissut badjel 2 mehtera duohen
- leat olles áigge nu, ahte sutnje oažžu oktavuodá
- váldit oktavuodá iežas dearvvašvuodaguovddáži tlf. _____ juos sutnje bohtet dávdamearkkat (nuorvvu, gosahat, čottabávččas, feber). Dalle njoammunvára vuollái šaddan olbmot testejuvvojit COVID-19 várás.
- It oaččo fitnat biebmogávppis. Lagašolbmot, geat eai leat karantenas, sáhttet fitnat gávppis. Juos dus ii leat oktage, gii sáhtášii fitnat du beales gávppis, váldde oktavuodá iežat gildii.
- Njoammunvára vuollái šaddan olbmo bearašlahtut eai leat karantenas, sii sáhttet eallit dábálaš eallima. Dilli rievdá juos njoammunvára vuollái šaddan olmmoš buohccá.
- Testedettiin olbmuid, geain eai leat dávdamearkkat, eai álot boađe luohtehahtti bohtosat njoammumis.

Karantenaáigi mearriduvvo juohke pasieantta buohta sierra.

- Njoammunvára vuollái šaddan olbmo karantenaáigi bistá 2 vahku, mii rehkenastojuvvo das, go lea mañimus šaddan njoammunvára vuollái.

Karantenii mearriduvvon bargi lea vuoigadahttojuvvon njoammudávdalága mielde oažžut njoammudávdabeaiveruđa, mii ohcojuvvo ÁEL:s (su. KELA) karantenamearrádusain, man lea vuolláičállán gieldda/buohccedikšunbire njoammudávdain vástideaddji doavttir. Vuollil 16-jahkásaš máná fuolaheaddjis lea vuoigatvuohta oažžut njoammudávdabeaiveruđa, juos mánná lea mearriduvvon karantenii ja fuolaheaddji ii danin sáhte bargat.

Lassedieđut njoammudávdabeaiveruđas: ÁEL Njoammudávdabeaiveruhta